

Am Autoegge

Muesch d'Strassesiite wechsele
Doch geseh kein Zebrastreife
Keis Liechtsignal, nur parkierti Auto überall
Nei, das isch nöd ganz eifach
Du häsch kei Sicht uf de Verchehr
Und d'Autofahrer chönd dich überhaupt nöd gseh

Ref.
Drum Vorsicht! Ganz fest Vorsicht!
Wenn'd dur parkierti Auto gahsch
Fühlsch di iiklämmt, drum willsch wiiter –
bis d' am Autoegge stascht
Und bis guet - uf beidi Siite geseh
Wart bis guet – uf beidi Siite geseh

Muesch d'Strassesiite wechsele
Doch geseh kein Zebrastreife
Keis Liechtsignal, nur parkierti Auto überall
Nei, das isch nöd ganz eifach
Du häsch kei Sicht uf de Verchehr
Und d'Autofahrer chönd dich überhaupt nöd gseh

Ref.
Drum Vorsicht! Ganz fest Vorsicht!
Wenn'd dur parkierti Auto gahsch
Fühlsch di iiklämmt, drum willsch wiiter –
bis d' am Autoegge stascht
Und bis guet - uf beidi Siite geseh
Wart bis guet – uf beidi Siite geseh

Am Fussgängerstreife

- 1) Bisch du scho am grosse Bach im Wald gsi?
Häsch as andere Ufer welle gah
Bisch doch sicher nöd is Wasser trampet!
S'hät doch grossi Stei, wo'd druf chasch stah!

- Ref.) So häts uf de – breite, grosse - Strasse Streife
Det chammer drüber, über d'Strass as Ziel
Eusi Fussgängerstreife – sind genau wie - Brugge
Die gäle Streife sind zum Bruuche da

- 2) Det wo's Streife hät, mues mer si bruuche
D'Autofahrer halted meischtens aa
au wänn's fründlich oder ungedulig winked
Wart so lang, bis d' Redli bliibed staa

- Ref.) drum häts uf de – breite, grosse - Strasse Streife
Det chammer drüber, über d'Strass as Ziel
Eusi Fussgängerstreife – sind genau wie - Brugge
Die gäle Streife sind zum Bruuche da

- 3) Det wo's Streife hät, mues mer si bruuche
D'Autofahrer halted meischtens aa
au wänn's fründlich oder ungedulig winked
Wart so lang, bis d' Redli bliibed staa

- Ref.) drum häts uf de – breite, grosse - Strasse Streife
Det chammer drüber, über d'Strass as Ziel
Eusi Fussgängerstreife – sind genau wie - Brugge
Die gäle Streife sind zum Bruuche da

Am Liechtsignal

Luca: Du, weisch, was bi eus zum Zmittag git?

Laura: Ja s' git Spaghetti - mit gribenem Chäs!

Luca: Mhm, das hani zwar au gern, aber ich wett lieber Riis!

Laura: Curryriis? Ja das wär auch fein!

Chumm mir gönd schnäll.ich han Hunger

Ja gömmer

He, ihr zwei .. passed uf!

s Fuessgängermännli lücht et no rot!

Refrain:

Am Liechtsignal, da bruucht mer viel Geduld

S'preicht jede mal zum warte - ohni Schuld

Wänn's rot isch wartisch, wartisch wartisch waartisch

Es gaht halt mängisch lang bis dure chunsch

Wänn's grünen wird - luegsch - ufmerksam

Nach links und rechts, wie jedesmal

Am Liechtsignal, da bruucht mer viel Geduld

Laura: Aber, da chunnt ja gar keis Auto – wämmer nöd dure?

Luca: Ja, chumm, mer gönd doch, ich wett hei go ässe!

Ferox: Nei! Am Lichtsignal gaht mer nur übere, wenn's grünen isch!

Au wänn's schiinbar überhaupt kei Verchehr hät, chunnt mängmal es Auto!

Luca (aufgeregt): Lueg da chunnt eis - vo de Siitestrass, das hämmer gar nöd gseh!

Ferox: Gsesch jetzt: drum mues mer bi rot immer warte!

Refrain:

Am Liechtsignal, da bruucht mer viel Geduld

S'preicht jede mal zum warte - ohni Schuld

Wänn's rot isch wartisch, wartisch wartisch waartisch

Es gaht halt mängisch lang bis dure chunsch

Wänn's grünen wird - luegsch - ufmerksam

Nach links und rechts, wie jedesmal

Am Liechtsignal, da bruucht mer viel Geduld

De chlii Fuchs

Eine/r von Euch

- 1) Wer schlicht dur de tüüfi Wald,
durs höche Gras und dänn scho bald
Über Stock und über Stei,
mal mit Fründe, mal ällei
Wer findt s'Läbe wunderbar? Da git's kei Frag: das isch doch klar ...

Alle:

(gerufen) Es isch de Ferox!

- Ref.) Ferox, chumm, verzell eus, wer Du bisch
Wo du wonsch und wie dis Läbe isch
Wie d'mit dine Fründe zäme lachs
Oder mit em Hoppel Fangis machsch
Ferox, chumm, bis euse liebi Fründ
Gasch au in Chindergarte wie mir all das tüend
Oder weisch scho alls, was wichtig isch?
Ufschtrecke und wie mer isst am Tisch?

- 2) De Hoppel isch en chliine Haas,
de sitzt so gern im grüne Gras
De Ferox laht ihn nöd in Rue
Denn er will immer öppis tue
Und wänn's am Fanigs spiele sind,
dänn rännt er gschnäll fascht wie wie de Wind
wer:

Alle:

(gerufen) Euse Ferox!

Ref.)

- 3) Vor churzem hät de Ferox fascht
En Unfall gha vor luuter Hascht
Er hät nöd gwüsst, dass d'Auto gschwind
und schüüli gross und mächtig sind
Zum Glück tuet's nur am Pfötli weh
Doch d'Chreie Sophie hät alles gseh
(Sie rüeft:) Pass doch uf, chliine Fuchs

Ferox, chumm, verzell eus, wer Du bisch

Ref.)

Dä schlau Fuchs

Eine/r von Euch

- 1) Wer isch zu eus Chinde cho ?
Hät eus zeiget, wie's söll goh?
S'Trottoir ab und über d'Strass
Ufmerksam und ohni dass'
ussergewöhnlich gföhrlich wär.
Er hät's eus zeiget: s'isch nöd schwer!
Ja wer? –

Alle Euse Ferox

Ref.) Ferox, danke, dass zu eus bisch cho
Bisch en liebe, mir sind schampar froh
Du häsch eus erchlärt, wie alles gaht
Mir sind dankbar für din guete Rat
Ferox, gäll, chunsch wiederum zu eus
Villicht weisch dänn wieder öppis Neus
Du bisch eus meh wert als Gold und Gält
bisch de schlauschti Fuchs vo däre Wält

Warte
Lose
Luege
Erscht dänn laufe
Warte
Lose
Luege
Nie ränne!

Ref.) Ferox, danke, dass zu eus bisch cho
Bisch en liebe, mir sind schampar froh
Du häsch eus erchlärt, wie alles gaht
Mir sind dankbar für din guete Rat
Ferox, gäll, chunsch wiederum zu eus
Villicht weisch dänn wieder öppis Neus
Du bisch eus meh wert als Gold und Gält
bisch de schlauschti Fuchs vo däre Wält

- 3) Vor churzem hät de Ferox fascht
En Unfall gha vor luuter Hascht
Jetzt weiss er, dass all Auto gschwind
und schüüli gross und mächtig sind
Er hät drus glehrt, will er isch schlau
Hät's eus verzellt, jetzt wüssed mir's au!

Alle: Danke, Ferox!

Ferox, danke, dass zu eus bisch cho

Ref.) Ferox, danke, dass zu eus bisch cho usw

Ferox

Alle:

Dä Ferox isch än Chliine Fuchs

Dä Ferox isch än Chliine Fuchs

Dä Ferox, Dä Ferox

Dä Ferox isch än Chliine Fuchs

Links laufe

D'Strass – hei – hät keis Trottoir – ja, was macht mer - jetzt?
D'Au – to – fahred rassig – du bisch ganz ent - setzt!
Doch – heb – nur kei Angst denn – ich weiss - Rat:
Mir mached's ganz genau so, wie's im Büechli drin staht:

Ref.

D'Au – to – müend eus gseh drum – laufed mir ganz - links
Det – wo – ihres Gsicht gsehsch – ja genau, das - bringt's
Wenn – sie – eus guet gsehnd und – mir sie - au
Denn git's kei Unfall, kei Bühle, kei Schreck und kei Stau

Strophe

Uf de Strasse, wo's kei Trottoir hät, lauft mer links
Wänn du d' Auto vo vorne ggesch, ja dänn stimmts
Doch – heb – nur kei Angst denn – ich weiss - Rat:
Mir mached's ganz genau so, wie's im Büechli drin staht:

Ref.

D'Au – to – müend eus gseh drum – laufed mir ganz - links
Det – wo – ihres Gsicht gsehsch – ja genau, das - bringt's
Wenn – sie – eus guet gsehnd und – mir sie - au
Denn git's kei Unfall, kei Bühle, kei Schreck und kei Stau

Bald – sind – ihr dihei und – mir müend Abschied - neh
Ihr – händ – hüt vill glehrt, tüend – immer Obacht - geh
Dän – ked – a min Ratschlag – verspreched's - gell!
Warted - lueged – losed - und laufed nie z'schnell!
Warted - lueged – losed - und laufed nie z'schnell!

S' Chindertrottoir

(gesungen von Ferox)

Uf em Trottoir - bisch in Sicherheit
Ganz am Rand us - weg vo'r Strass
Uf em Trottoir muesch kei Sorge ha
Aber wichtig isch au no das:
S'git es Trottoir, speziell für Chind:
Vo de Strass weg - zussert uss
S'Chindertrottoir, ja so heisst de Platz
Wer det lauft, de chunnt drus!

- 1) D'Strass ab - und d'Strass wieder zugg - hät's Verchehr vo früe bis spat
D'Strass uuf - und d'Strass wieder ab - passisch uf, dass alls guet gaht
Doch will's es Trottoir hät, häsch au du din eigne Platz,
du din eigne, du din eigne Platz – jawoll, din Platz

Alle

Uf em Trottoir - bisch in Sicherheit
Ganz am Rand us - weg vo'r Strass
Uf em Trottoir muesch kei Sorge ha
Aber wichtig isch au no das:
S'git es Trottoir, speziell für Chind:
Vo de Strass weg - zussert uss
S'Chindertrottoir, ja so heisst de Platz
Wer det lauft, de chunnt drus!

- 2) All Lüüt – sind sicher det: – uf em Chindertrottoir
Doch wänn – es Chind dete isch – ja dänn isch es sonneklar:
Dänn wiecht - de Gross halt us - uf s'Erwachsnetrottoir
ja das isch, ja das isch doch klar – und es isch wahr!

Refr.)

Über d'Insle

Eine/r von Euch

- 1) Wänn'd i d'Ferie gasch – ganz wiit vo dihei uf ere Insle us
Dänn verschnuufisch, doch bald - ziehsch wiiter, will't wieder willsch
hei
Wänn't go wandere gasch – dur Wald und Feld i eusem schöne Land
– Alle: (juhui)
Laufsch es Stückli und dänn – machsch e Pause und luegsch
umenand

Ferox

- 2) Mängmal häts uf dim Weg über d'Strass en chliine Verschnuufiplatz
Wo mer Ziit hät ganz churz – zum luege, öb alls richtig lauft
Uf dere Insle us - grad zmitts uf dä breite Strass – denksch dra
Ja, det gilt au, s'isch klar: – warte, luege, lose, laufe!

en Insle –
e Pause –
verschnuufe –

en Insle –
e Pause –
verschnuufe –

warte, luege, lose

alle:

- 2) Mängmal häts uf dim Weg über d'Strass en chliine Verschnuufiplatz
Wo mer Ziit hät ganz churz – zum luege, öb alls richtig lauft
Uf dere Insle us - grad zmitts uf dä breite Strass – denksch dra
Ja, det gilt au, s'isch klar: – warte, luege, lose, laufe!

Warte, luege, lose, laufe

D'Strass isch breit und du muesch drüber
Ou, wie macht mer das jetz nur?
Wettisch ränne, um ganz schnäll z'si
Aber halt: bis doch nöd stuur!
Stand ganz cool an Strasserand,
Wart bis total ruhig bisch
Dänn luegsch guet uf beidi Siite
Bis keis Auto ume isch

Und dänn tuesch no ganz fescht lose
Ob au gar keis Fahrzügg chunt
Wenn alls guet isch, denn chasch laufe
Dänn blibsch unverletzt und gsund
Wichtig isch, dass nie tuesch ränne
Nimm dir Ziit zum

Ref.) Warte – luege – lose –erscht dänn laufe
Warte – luege – lose –erscht dänn laufe
Ränn nöd druflos – lauf zue und bliib nöd stah
Bliib ufmerksam – bliib ruhig, dänk doch dra:
Ränne törfsch nie, au wenn's uf de Strass kei Velo und kei Auto
hätt
Dänn chunsch du gut uf der andre Siite a

Nimm dir Ziit zum

Ref.) Warte – luege – lose –erscht dänn laufe
Warte – luege – lose –erscht dänn laufe
Ränn nöd druflos – lauf zue und bliib nöd stah
Bliib ufmerksam – bliib ruhig, dänk doch dra:
Ränne törfsch nie, au wenn's uf de Strass kei Velo und kei Auto hätt
Dänn chunsch du gut uf der andre Siite a
Dänn chunsch du gut uf der andre Siite a
Dänn chunsch du gut uf der andre Siite a